



25. juni 2013

UKA 2013/90

Inatsisartut suleriaasianni § 33 naapertorlugu aalajangiiffigisassaattut siunnersuut imaattoq matumuuna saqqummiuppara:

**Aatsitassarsiorfinni ator neqartussani dieseli ikummatigalugu nukissiuutini atortulersuutit NOx-inik taaguutillit millisaatit atorneqartalernissaat siunertaralugu Naalakkersuisut UPA 14-imut inatsisissatut siunnersuummik saqqummeeqqullugit Inatsisartut aalajangiiffigisassaattut siunnersuut.**

(Inatsisartunut ilaasorta, Sara Olsvig, Inuit Ataqatigiit)

### **Tunnqavilersuut:**

NOx tassaapput gassit NO aamma NO<sub>2</sub> ikummatissanik ikuallaanermi aniatilernerqartartut, ingammik nukissiuutinik motorinillu dieselimit ikummateqartunit. NOx uppersaatalimmik inuit peqqissusaannut avatangiisinullu ajoqutaanerit ersersinneqareerpoq. Taamaattumik NOx-mit aniatitsinerup sapinngisamik minnerpaaffimmiinnissaa qulakkeerniagassaraarput.

Ingammik suliniutini angisuuni pileratarsinnaasuni, dieselimit ikummateqarluni nukissiuuteqartussatut pilersaarutaasuni NOx-mik malunnaatilimmik annertussuseqartunik aniatitsisoqartussaavoq. Taamaattumik piumasaqartariaqarpugut NOx-imik aniatitsinermut millisaataasinnaasunik atortorissaarusersuinissamik.

Saviminissarsiorfissatut Isukasiani pilersaarummi, suliniutip avatangiisinut sunniutissanik nalilersuinermit (VVM) ukiumut NOx 12.750 tons (343,1 g/s) aniatinneqartassasoq nalunaarsorneqarpoq, tassa dieseli nukissiuutit atorneqassappat.

Ukiuni kingullerni NOx-imik aniatitsinermit millisitsiniutit sukkaasumik ineriartortinneqarsimapput. Teknologi nutaajusoq atorlugu NOx-imik aniatitsinissaagaluaq ullutsinni 90% tikillugu millisarneqarsinnaavoq. Taamaattumik atortorissaarusersuinikkut NOx-imik annikitsunnguamik aniatitsineq anguneqarsinnaavoq, piumasarigaanni.

Taamaattumik NOx-imik aniatitsinermit millisitsiniuteqartitsilernissamik piumasaqannginnissamut tunnqavissaqartoqarunnaarpoq, NOx-inunniut aniatitsiviusumut qanittumi sulisunut avatangiisinullu ajoqutaanera uppersaateqarmat.

### **Pisortanut aningaasaqarnikkut allaffissornikkullu kingunissai.**

Inatsisissatut siunnersuutissap suliarineqarnissaanut aningaasartuutaajumaartussat eqqaassanngikkaanni siunnersuut annerusumik pisortanut aningaasatigut nammakkersuutaassanngilaq. Aningaasartuutaajumaartussat allaffissornikkut sulisorisassat eqqarsaatigalugit

årsværk affaanik naleqassangatinneqarput, atorpeqassallutik inatsisissatut siunnersuutip ilusilersorneranut, naalakkersuisoqarfiit akornini aammalu avataaniittunut tusarniaanernut aammalu siunnersuutissap nutserneqarneranut il.il.

**Namminersorlutik inuussutissarsiortunut aningaasaqarnikkut allaffissornikkullu kingunissai.**

Siunnersuut aatsitassarsiortitseqatigiinnut kalluarneqartussanut aningaasaqarnikkut sunniuteqassaaq. Taamaattorli NOx-imik aniatitsinermik millisitsiniutinik teknologiimik pisiniarnissamut ikkussuinissamullu aningaasartuutissat amerlanertigut annikitsuaraarsuussangatinneqarput, naqqaniit aatsitassaqaarfiup pilersinniarnissaanut atortulersuuser-sornissaanullu aningaasartuutaajumaartussat aamma isiginiassagaanni. Aatsitassarsiortitseqatigiit Kalaallit Nunaanni ingerlatsilerumanerannut siunnersuut taamaalilluni annertunerusumik sunniuteqassangatinneqanngilaq.

**Innuttaasunut aningaasaqarnikkut allaffissornikkullu kingunissai.**

Innuttaasunut aningaasaqarnikkut siunnersuut kingunerluuteqassasoq naatsorsuutigineqanngilaq.